

"AVENTURA SIN SPERA" Comedia musical di *Maria Schilders* 1973

Regie: *Burny Every* Letra: *Burny Every* Musica: *Maybelline Arends-Croes*

AMI , AMI , AMIGO

Letra: *Burny Every*

Musica: *Maybelline Arends-Croes*

Ami , ami , amigo
Waf-waf-waf-waf ; waf - waf - waf , waf
Cacho mara y maltrata
Waf-waf-waf-waf ; waf , waf - waf

Pa un bleki yen di awa
Y un tiki di cuminda
B'a yuda nos , b'a stima nos
Waf-waf-waf-waf ; waf -waf , waf

Pesey bo ta amigo
Waf-waf-waf-waf ; waf - waf - waf , waf
Ami , ami , amigo
Waf-waf-waf-waf ; waf , waf - waf

HODGE Y PODGE

Letra: *Burny Every*

Musica: *Maybelline Arends-Croes*

Hodge y Podge ta dos polis)
Un grandi y chikito)
Hodge y Podge ta semper cla) 2x
Pa grandi y chikito)
Hodge y podge ta semper cla
Pa grandi y chikito .

Ora tin un accident
Polis , polis bin yuda nos
Ora tin ladron den cas
Polis , polis bin yuda nos
Ora ta pelea tin
Polis , polis bin yuda nos
Ora ta candela tin
Polis , polis bin yuda nos

Polis , polis , polis
Bin yuda nos , bin yuda
Polis , polis , polis
Con pa haci sin polis (4x)

E PUSHI CHIKITO

Letra: *Burny Every*

Musica: *Maybelline Arends-Croes*

Ta den mondi el a hay'e
Un pushi chikito , un pushi chikito
Mira ki bunita e ta
E pushi chikito , e pushi chikito
Abbatoir nan kier mand'e
E pushi chikito , e pushi bunita . (*Fine*)

Con hende ta asina cruel
Pa bandona un criatura
Den mondi , den mondi su so
Den mondi grandi su so . (*Da capo al Fine*)

WAWA y LALA

Letra: *Burny Every*

Musica: *Maybelline Arends-Croes*

Nos ta Wawa y Lala
Hombenan masha sabí
Sin traha y sin soda
Nos ta bira rico mes

Refr. Nan a horta Peereboom (3x)
Peere , Peereboom

Nos ta bai Colombia
Bira miljonario so
Bebe , come y bisti bon
Ami don y abo don .

Refr. Don Wawa a horta Peereboom
Don Lala a horta Peereboom
Nan a horta Peereboom
Peere , Peereboom

Saco yen di placa
Pa nos gosa y fiesta bon
Ni un polis lo haña sa
Unda nos ta , unda nos ta

Refr. Nan a horta Peereboom (3x)
Peere , Peereboom

KA-PU-BU-KA-PA "Cantica dje club"

Letra: Burny Every

Musica: Maybelline Arends-Croes

Refr. Ka-pu-bu-ka-pa (2x)
Un club secreto , un club secreto
Ka-pu-bu-ka-pa (2x)
Un club secreto , secreto nos ta

Pa cacho ca-ca-ca-ca
Y pa pushi pu-pu-pu
Pa burico bu-bu-bu
Pa cabai ca-ca-ca-ca-ca
Y pa parha pa-pa-pa-pa . *Refr.*

Un cacho wow wow wow wow
Y un pushi miao , miao , miao
Un burico hôhi hôhi hôhi
Un cabai hihi hihi hihi
Y un parha piep piep piep piep . *Refr.*

Proteha tur animal
Esey ta nos ideal
Tur doño ta freak out
Ora nan haci hopi fout . *Refr.*

Muchanan mester bin yuda
Awo si no tin niun duda
Respeta tur animal
Mustra cu nan tambe ta bal .*Refr.*

No usa stichi pa tira parha
Ni un skopet pa tira konew
Ni tira piedra riba yuwana
Ni un cabuya pa mara cacho *Refr.*

Proteha tur animal
Esey ta nos ideal
Respeta tur animal
Mustra cu nan tambe ta bal . *Refr.*